

MISISSUINEQ

KALAALLIT NUNAANNI TAKORNARIAQARNEQ PILLUGU INNUTTAASUT ISUMAAT



INNUTTAASUT ISUMAANNIK MISISSUINEQ 2025
VISIT GREENLANDIMIT

IMARISAA

Aallaqqaasiut eqikkaanerlu	3
2035-p tungaanut perisssiukkamik ineriartortitsinissamut anguniakkat	4
Innuttaasut takornariaqarneq pillugu isumaat	6
Innuttaasut takornarianut qanoq isiginninnerat	12
Oqaloqatigiinneq, paasissutissiineq sunniuteqaqataanerlu	15
Periaaseq	19

AALLAQQAASIUT

Kalaallit Nunaanni takornariaqarneq ukiuni aggersuni annertuumik allannguuteqarfiusussaavoq. Nutaanik mittarfeqalernerani tikeraallu amerlinissaannik naatsorsuuteqarnermi takornariaqarnikkut ineriartortitsinerup kalaallit piumasaat tunngavigalugit innuttaasullu qanimut peqatigalugit ingerlanneqarnissaata pingaaruteqarnera annertuneruliinnassaaq. Taamaattumik nunaqavissut peqataatinneqarnissaat Visit Greenlandip 2035-p tungaanut periusissiaani *Kalaallit Nunaat ...suullu ataatsimoorfigisagut tamakkerlugit* qitiutillugu nalerarineqarnissaa erseqqissarneqarpoq, innuttaasut tapersersuinerat akisussaaqataanerallu piujuartitsiffiusussamik siunissarlunq ungasinnerusooq eqqarsaatigalugu ineriartortitsinissamut pingaartillugu isigineqarluni.

Taamatut suliaqarnermut ilaatillugu Visit Greenlandip Epinion suleqatigalugu nuna tamakkerlugu innuttaasut isumaannik misissuivoq, innuttaasut takornariaqarneq takornariaqarnikkullu ineriartortitsineq pillugu isumaat paasinarneqarlutik. Misissuinerup ukiut tamaasa ingerlanneqartarnissaa eqqarsaataavoq, taamaaliornikkut innuttaasut sunik misigisaqartarnerat sunillu naatsorsuuteqarnerat ingerlaavartumik malinnaaffigineqarsinnaassammatt, taamatullu pingaarnersuinerit, oqaloqatigiinnerit naleqqussaasoqarsinnaanerallu ingerlaavartumik ikorfartorneqarsinnaassallutik.

Paasissutissat piffissami 26. novembari 2025-mit 5. januaari 2026-mut katersorneqarput. 2025-mi misissuineq e-Boks atorlugu ingerlanneqarpoq, inuit attaveqatigiittarfiisigullu linki tamanut ammasooq atorlugu akissutit aamma tapiliunneqarlutik. E-boksikkut akissutit 496-it katersorneqarput linkilu tamanut ammasooq atorlugu akissutit 213-it. Akissutinik katersuiffiusunit marluusunit akissutit nalunaarusiami ataatsimoorfillugit nalunaarusiarineqarput. Misissuinermi paasissutissanik tunngavigineqartoq oqimaaqatigiissagaavoq, inuiaqatigiit tunngavigineqarput suaassutsimut, ukioqqortussutsimut kommunerisanullu tunngatillugu.

EQIKKAANEQ

Innuttaasut isumaannik misissuinerup siulliup (2025) takutippaa Kalaallit Nunaanni innuttaasut takornariaqarneq pitsaasutut nalileraat, peqatigisaanilli inemerit suliaasaqarfinnut arlalinnut oqaloqatigiinnerup nukittorsarneqarnissaanik sinaakkusiussallu erseqqissarnissaanik pisariaqartitsiffiusunut tikkuussipput.

Innuttaasut affaasa missaat najukkaminni takornariaqarneq pitsaasutut nalilerpaat, amerlaqataasalu missaat isumaqarput takornariaqarneq najukkami inuiaqatigiinnut annertuumik iluaqusersuutaasoq. Takornariaqarnerup annertusineratigit aningaasatigit iluanaarutaasussat immikkut pitsaasutut nalilerneqarput, takornariaqarnerullu najukkami inuiaqatigiit inuunerannut ingerlataannullu aamma tulluusimaarnermut ataatsimooqatigiinnermullu iluaquteqarnera assigiinngitsunik nalilerneqarluni.

Takornariat nalinginnaasumik ataqqinnittutut innuttaasunit nalilerneqarput, 16 procentiinnaallu najukkami inuiaqatigiinni takornariaqarnikkut unammilligassanik aalajangersimasunik misigisaqarsimapput. Peqatigisaanilli Kalaallit Nunaannut takornariat pissusilersortarnerannut erseqqinnerusunik najoqqutassiortoqarnissaa innuttaasunit ujjartorneqarpoq.

Innuttaasut aamma paasissutissanik amerlanerusunik, oqaloqatigiinnerunissamik takornariaqarnikkullu ineriartortitsinermut sunniuteqaqataanerunissamik pisariaqartitsillutik misigisimapput. Ullumikkut ikitsuinnaat misigisimapput takornariaqarnerup takornariallu sunniuteqarnerisa oqaloqatigiissutigineqarnerat paasissutissiissutigineqarnerallu naammattoq, imaluunniit ineriartortitsineq sunniuteqaqataaffigisinnaallugu.

Misissuineq ataatsimut isigalugu takornariaqarnerup tapersersorluarneqarneranik tikkuussivoq, aammali inerisaaffigineqarsinnaasut tikkuarneqarput, pingaartumik peqataatitsinermut, attaveqatigiinnermut ”malitassallu” ersarinnerusariaqarnerannut tunngatillugu.

TAKORNARIAQARNEQ ATAATSIMOORLUTA PILERSITASSARPUT

Visit Greenlandip 2035-p tungaanut periusissiaani, *Kalaallit Nunaat ...suullu ataatsimoorfigisagut tamakkerlugit*, takornariaqarnermut ataatsimoorluta siunnerfiliivugut takornariallu nunatsinnut tikeraarsarlugit. Taamaattumik aamma takornariaqarnermik ataatsimut piginnittuunitsinnik, tamatumalu inuiaqatigiinnut iluaqutaanerani inuiattut misigisaqarlutalu malugisaqarnissarput pingaaruteqarpoq.

Periusissiami anguniarneqarpoq takornariaqarnerup tamanut iluaqutaanissaa, nunatsinnik najugassaqqinnerulersitsinissaa takornarialerinemillu suliaqartut amerlanerulersinneqarnissaat. Tamatumunnga inuiaqatigiit tamaasa eqqarsaatigalugit takornariaqarnermit pitsaasumik iluaqutissinneqartutut misiginissarput, aammalu suliaqarfiligilissallugu pilerinartutut isiginninnissarput pisariaqarpoq – maannakkut aammalu kinguaariit tullinnguuttut eqqarsaatigalugit.

Innuttaasut isumaannik misissuineq manna taamaalluni piffissaq ungasinnerusoq eqqarsaatigalugu nalerassanut anguniakkanullu, 2025-p tungaanut peqatigiinnernik nutaanik ingerlaavartumik naleqqussaanissamut, nutaamik eqqarsarnissamut inerisaanissamullu siunnerfiliisussanut siunertaqartitsisussanullu inuiaqatigiit kalaallit ullumikkut qanoq inissisimanerisa paasinissaanut aallaaviusaaq.

Inernerit talerpiatungaani allassimasut piffissaq ungasinnerusoq eqqarsaatigalugu nalerassanut inuiaqatigiittut qanoq inissisimanitsinnik takutitsipput.



42%

... **innuttaasut** misissuineri apeqqummut: *"Kalaallit Nunaanni takornariaqarneq illit najukkanni inuiaqatigiinnut qanoq tunniussaqaqtigisoriviuk?" Annertuumik imaluunniit annertuupilussuarmik akissuteqartut (n = 709).*



20%

... **innuttaasut** misissuineri apeqqummut: *"Najukkami inuiaqatigiinni takornariaqarnermut takornariaqarnikkullu ineriartortitsinermut illit innuttaasutut sunniuteqaqataanissamut qanoq periarfissaqaqtigisutut misigisimavit?" Annertuumik imaluunniit annertuupilussuarmik akissuteqartut (n = 709).*



31%

... **innuttaasut** misissuineri apeqqummut: *"Takornariaqarnerup takornariallu Kalaallit Nunaannut tikeraarsarneqartarnerannut periaaserineqartoq nunatsinni tulluusimaarnerulernermut ataqatigiinnermullu nukittunerulersumut qanoq iluaqutaatigisoriviuk?" Annertuumik imaluunniit annertuupilussuarmik akissuteqartut (n = 709).*



58%

... **18-29-inik ukiullit** misissuineri apeqqummut *"Takornariaqarnermik inuussutissarsiuteqarnerup iluani suliaqalernissamut periarfissat qanoq pilerinartitsigivigit?" 4-mik imaluunniit 5-imik akissuteqartut (1 = "Pilerinangilluinnarput", 5 = "Pilerinartupilussuupput") (n = 121).*

ANGUNIAKKAT KOMMUNIT AKORNANNI ASSIGIINNGISSUTEQARNERAT

Piffissaq ungasinnerusoq eqqarsaatigalugu 2035-p anguniakkanut tunngatillugu apeqqutini kommunit akornanni assigiinngissutaasut arlallit takuneqarsinnaapput. Siullertut Avannaata Kommuniani aamma Kommuneqarfik Sermersuumi innuttaasut kommunini allani innuttaasunut naleqqiullutik takornariaqarnerup nunaqqatigiinnut iluaqusersuineranik misigisimanerupput. Kommuneqarfik Sermersuumi akissutigineqartunit 251-it Sermersooq Kitaani innuttaasuneersuunerat (Nuuk ilanngullugu) maluginiagassaavoq.

Anguniakkani allani ingammik Avannaata Kommuniani aamma Kommune Kujallermi allaanerusumik inissisimapput. Taakkunanimi innuttaasut misigisimanerupput takornariaqarnerup sunniuteqaqataaffiginissaanut periarfissaqarlutik, takornariaqarneq tulluusimaaruteqarnermut ataatsimoornermullu iluaqutaasooq (ingammik Kommune Kujallermi), aammalu takornariaqarneq suliaqarfigilissallugu pilerinartuusoq.

QEQQATA (n = 124)

- 34%** Takornariaqarneq **najukkami inuiaqatigiinnut pitsaasumik sunniuteqartutut** isigaat
- 20%** Takornariaqarneq **sunniuteqarfigisinnaallugu** misigisimapput
- 28%** Takornariaqarneq **tulluusimaarnermut ataatsimoornermullu** pitsaasumik sunniuteqartutut isigaat
- 36%** Takornariaqarnermik **suliaqarfik suliffigissallugu pilerinartutut** isigaat*

AVANNAATA (n = 116)

- 47%** Takornariaqarneq **najukkami inuiaqatigiinnut pitsaasumik sunniuteqartutut** isigaat
- 23%** Takornariaqarneq **sunniuteqarfigisinnaallugu** misigisimapput
- 33%** Takornariaqarneq **tulluusimaarnermut ataatsimoornermullu** pitsaasumik sunniuteqartutut isigaat
- 55%** Takornariaqarnermik **suliaqarfik suliffigissallugu pilerinartutut** isigigaat*

QEQERTALIK (n = 66)

- 32%** Takornariaqarneq **najukkami inuiaqatigiinnut pitsaasumik sunniuteqartutut** isigaat
- 20%** Takornariaqarneq **sunniuteqarfigisinnaallugu** misigisimapput
- 32%** Takornariaqarneq **tulluusimaarnermut ataatsimoornermullu** pitsaasumik sunniuteqartutut isigaat
- 47%** Takornariaqarnermik **suliaqarfik suliffigissallugu pilerinartutut** isigigaat*

SERMERSOOQ (n = 285)

- 45%** Takornariaqarneq **najukkami inuiaqatigiinnut pitsaasumik sunniuteqartutut** isigaat
- 17%** Takornariaqarneq **sunniuteqarfigisinnaallugu** misigisimapput
- 32%** Takornariaqarneq **tulluusimaarnermut ataatsimoornermullu** pitsaasumik sunniuteqartutut isigaat
- 47%** Takornariaqarnermik **suliaqarfik suliffigissallugu pilerinartutut** isigigaat*

KUJALLEQ (n = 118)

- 39%** Takornariaqarneq **najukkami inuiaqatigiinnut pitsaasumik sunniuteqartutut** isigaat
- 28%** Takornariaqarneq **sunniuteqarfigisinnaallugu** misigisimapput
- 41%** Takornariaqarneq **tulluusimaarnermut ataatsimoornermullu** pitsaasumik sunniuteqartutut isigaat
- 51%** Takornariaqarnermik **suliaqarfik suliffigissallugu pilerinartutut** isigigaat*

*Maluginiarneqassaaq takornariaqarnermik suliaqarfiup pilerinassusia pillugu apersuineq *kommunimi/nunap immikkoortuani ataasiakkaami innuttaasut tamaasa akornanni* naatsorsorneqarmat. Tamanna kommunini/nunap immikkoortuini ataasiakkaani inernerit ukioqqortussutsinut agguataarnissannut akissuteqartussat ikippallaarnerinik pissuteqarpoq.

INNUTTAASUT TAKORNARIAQARNEQ PILLUGU ISUMAAT

INNUTTAASUT NAJUKKAMINNI TAKORNARIAQARNEQ
PILLUGU ATAATSIMUT MISIGISARTAGAAT NALUNAARUSIAP
IMMIKKOORTUANI UANI ERSERSINNEQARPUT, TASSUNGA
ILANNGULLUGU TAKORNARIAQARNERUP INOOQATAANIKKUT,
KULTURIKKUT ANINGAASAQARNIKKULLU PISSUTSINUT
PINGAARUTEQASSUSIA




INNUTTAASUT AFFAASA NAJUKKAMINNI TAKORNARIAQARNEQ PITSAASUTUT ISIGAAT

Innuttaasut 46 procentiisa najukkaminut takornarianik tikittoqartillugu tamanna annerusumik pitsaasumik imaluunniit pitsaasupilussuarmik misigisarpaat. 39 procentiilu misigisimapput pitsaasortaqlunilu pitsaanngitsortaartoq, 6 procentillu annerusumik pitsaanngitsumik imaluunniit pitsaanngitsupilussuarmik misigisaqarfigisarpaat.


Innuttaasut Kalaallit Nunaanni takornariaqarnerup najukkaminni inuiaqatigiinnut iluaqusiisarnernik aperineqarnerini assingusumik inissisimasoqarpoq. Tassani 42 procentit naliliipput takornariaqarnerup najukkaminni inuiaqatigiinnut annertuumik imaluunniit annertuupilussuarmik iluaqusiisartoq, 49 procentillu isumaqarput ilaatiguinnaq imaluunniit annertunngitsumik iluaqusiisartoq. 2 procentiinnaallu naliliipput takornariaqarneq najukkami inuiaqatigiinnut iluaqusiinngilluinnartoq.

Apeqqutit taakku marluk akimorlugit akissuteqartut quliugaangata ataatsip missaa "Naluara"-mik akissuteqarpoq.

Najukkanni sumiiffimmut takornarianik tikittoqartillugu, tamanna qanoq misigisaqarfigisarpiuk?




Kalaallit Nunaanni takornariaqarneq illit najukkanni inuiaqatigiinnut qanoq tunniussaqaqartigisoriviuk?




INNUTTAASUT 16 PROCENTII ISUMAQARPUP TAKORNARIAQARNEQ IMMINNUT AJORNARTORSIUTINIK PILERSITSISARTOQ

Innuttaasut 16 procentii isumaqarput najukkami takornariaqarneq imminnut ajornartorsiutinik pilersitsisartoq. Innuttaasullu taakku akornanni toqqarneqartut amerlanersaat tassaapput inuppassuaqalenera (60 procentit), angallannikkut ajornartorsiutit (57 procentit), ataqqinninngitsumik imaluunniit toqqissisimananngitsumik pissusilersorneq (37 procentit), kiisalu nipiliortitsisoqarnerulenera (37 procentit).

Sumiiffimmi najukkanni takornariaqarneq ilinnut ajornartorsiutinik pilersitsisarpa?



*Takornariaqarneq ajornartorsiutinik sunik ilinnut pilersitsiva**



*Takornariaqarneq ajornartorsiutinik sunik ilinnut pilersitsiva?" taamaallaat apeqqutigineqarpoq sumiiffimmi najukkaminni ajornarsiuutinik pilersitsisarneranik akissuteqartunut (N = 121). N = 709.


TAKORNARIAQARNEQ ANINGAASAQARNIKKUT ILUANAARUTEQARFIUSUTUT INNUTTAASORPASSUARNIT NALILERNEQARPOQ

Innuttaasut 43 procentii isumaqarput takornariaqarnej najukkami aningaasarnermut annerusumik imaluunniit pitsaasupilussuarmik sunniuteqartoq. 32 procentit isumaqarput takornariaqarnej aningaasaqarnermut pitsaasumik pinngaangitsumillu sunniuteqartoq, 9 procentillu isumaqarput sunniutaa annerusumik pitsaasuunanilu imaluunniit pitsaangitsupilussuusoq.


Takornariaqarnermik inuussutissarsiuteqarnerup najukkami inuiaqatigiinni inuunermut ingerlatanullu iluaqusersuutaaneranut tunngatillugu (aningaasaqarnerup suliffissaqartitsiniarnerullu saniatigut) 29 procentit isumaqarput takornariaqarnej annertuumik imaluunniit annertuupilussuarmik iluaqusersuutaasoq. Paarlattuanilli 25 procentit takornariaqarnerup pitsaasumik iluaqusersuutaaneranut akissuteqarput annertunngitsumik iluaqusersuutaasoq imaluunniit iluaqusersuutaangilluinnartoq.

Apeqqutinut marluusunut tunngatillugu innuttaasut arfiniliugaangata ataatsip missaa "Naluara"-mik akissuteqarpoq.

Takornariaqarnej najukkami aningaasaqarnermut qanoq sunniuteqarpa?



Takornariaqarnermik inuussutissarsiuteqarnerup najukkami inuiaqatigiinnut tunniussaqaqtarnerata najukkami inuiaqatigiit inuunerannut ingerlataannullu pitsaasumik sunniuteqarnera qanoq annertutigisumik misigisarpiuk?




TAKORNARIAQARNERUP KULTURIKKUT ATAATSIMOOQATIGIINNERMULLU SUNNIUTEQARNERA ASSIGIINNGIIAARNERUSUNIK NALILERNEQARPOQ

38 procentit isumaqarput takornariartitsinermik inuussutissarsiuteqarneq kulturikkut paarlaasseqatigiinnermut aamma najukkami ileqqunut naleqartitanullu ataqqinninnermut annertuumik imaluunniit annertuupilussuarmik siuarsaataasoq, 20 procentillu isumaqarlutik annertunngitsumik imaluunniit naamerluinnaq.


Takornariaqarnerup takornariallu Kalaallit Nunaannut tikeraarsarneqartarnerannut periaaserineqartoq nunatsinni tulluusimaarnerulernermut ataqatigiinnermullu nukittunerulersumut qanoq iluaqutaatigineranut tunngatillugu 31 procentit akipput annertuumik imaluunniit annertuupilussuarmik, 21 procentillu akillutik annertunngitsumik imaluunniit naamerluinnaq.

Apeqqutini marluusuni innuttaasut amerlakannersut ‘Naluara’-mik akipput (12-14 procentit), tamannalu innuttaasunut tamanut assigiimmik erseqqissumilluunniit nalilerneqarsinnaasutut misigineqannginnerinut ersiutaasinnaavoq.

Takornariartitsinermik inuussutissarsiuteqarneq kulturikkut paarlaasseqatigiinnermut aamma najukkami ileqqunut naleqartitanullu ataqqinninnermut qanoq siuarsaataatigiva?




Takornariaqarnerup takornariallu Kalaallit Nunaannut tikeraarsarneqartarnerannut periaaserineqartoq nunatsinni tulluusimaarnerulernermut ataqatigiinnermullu nukittunerulersumut qanoq iluaqutaatigisoriviuk?



TAKORNARIAQARNERMIK INERIARTORTITSINEQ ANNERMIK PITSAASUT ISIGINEQARPOQ, INGAMMIK 18-29-T UKIULLIT AKORNANNI

Innuttaasut quliugaangata sisamat isumaqarput takornariaqarneq siunissami kinguaariit eqqarsaatigalugit pitsaasuusooq, taamatuttaarlu qulinit sisamat naliliipput ineriartorneq pitsaasortaqaarlunilu pitsaanngitsortaartoq. Tassani ukioqqortussutsitsigut annertuumik assigiinngissuteqarpoq, innuttaasut 30-t inorlugit ukiullit naliliimmata nunami takornariaqarnikkut ineriartortitsineq pitsaasupilussuusoq imaluunniit annermik pitsaasuusooq. Innuttaasut 30-t sinnerlugilluunniit ukiullit akornanni 34-41 procentinik amerlassuseqarput.

Kalaallit Nunaanni takornariartitsinerup siunissami kinguaariit eqqarsaatigalugit ineriartortinneqarnera qanoq isumaqarfigiviuk?



Note: 3 procentinik inorlugilluunniit amerlassusillit takussutissiami ilaatinneqanngillat. N = 709.

INNUTTAASUT TAKORNARIANUT QANOQ ISIGININNERAT

TAKORNARIAT PISSUSILERSUUTAANNIK
SIANIGININNERANNILLU, AAMMA TAKORNARIAT
ASSIGIINNGISSUTAAT AKIMORLUGIT, INNUTTAASUT
NALILIINERAT, NALUNAARUSIAP IMMIKKOORTUANI UANI
SAMMINEQARPOQ



TAKORNARIAT ATAQQINNITTUMIK PISSUSILERSORTARNERINUT NALILIINEQ TAKORNARIAT SUUNERISA AKORNANNI ASSIGIINNGISSUTEQARPOQ


Innuttaasut ataatsimut isigalugu misigisimapput takornariat innuttaasunut kulturimullu ataqqinnittumik pissusilersortartut, takornariallu eqimattakkuutaat akornanni assigiinngissuteqarnera erseqqippoq.

Takornariat timmisartukkut tikittut ataqqinninnerpaatut nalilerneqarput, innuttaasut 66 procentii akimmata ilaatiguinnaq imaluunniit ataqqinnilluinnartutut nalilerlugit.

Innuttaasorpasut aamma takornariat umiarsuarnit takornariartaatinit mikinerusuneersut pitsaasutut nalilerpaat, 62 procentit ataqqinnittutut nalilermatigit.

Takornarialli umiarsuarnit takornariartaatinit anginerusuneersut assigiinngiaarnerusumik nalilerneqarput. 53 procentit akipput ilaatiguinnaq imaluunniit ataqqinnilluinnartutut nalilerlugit, 23 procentillu ataqqinnippallaangitsutut imaluunniit ataqqinninngilluinnartutut nalilerlugit.

Takornariat eqimattakkuutaat tullinnguuttumi pineqartut innuttaasunut kulturimullu qanoq ataqqinnitsigisorivigit?



Maluginiarneqassaaq: 3 procentinit inorlugilluunniit amerlassusillit takussutissiami ilaatinneqanngillat.


*Umiarsuit takornariartaatit mikinerusut misissuineri tassaatinneqarput 500-t inorlugit ilaasullit; Umiarsuit takornariartaatit anginerusut misissuineri tassaatinneqarput 500-t sinnerlugit ilaasullit N = 709.

INNUTTAASUT SULI ISUMAQRPUT TAKORNARIANUT ERSEQQINNERUSUNIK NAJOQQUTASSAQARTARIAQARTOQ


38 procentit isumaqarput takornariat pinngortitamik avatangiisinillu annertuumik ataqqinnittut – tassalu takornariat pissusilersornerat pitsaasumik nalilerneqartoq. Affangajaalli (49 procentit) peqatigisaanik isumaqarput najoqqutassat erseqqinnerusut annertuumik pisariaqartinneqartut.

Sianiginnittoqarneranik ataqqinnittoqarneranillu ”taamaallaat” 38 procentit annertuumik misigisaqartoqarnera taamaalilluni takornariat assigiinngiaarnerusumik inuttaasorpasuarmit misigisaqarfigineqartarnerannik aamma isumaqarsinnaavoq. Assigiinngiaartoqarneralu tamanna erseqqinnerusunik malittarisassiortoqarnissaanik pisariaqartitsinermik pilersitsisimasinnaavoq, takornariat sianiginnginnerusut ”malitassanngortikkumanagit”.

Takornariat pinngortitamut avatangiisinullu qanoq mianerinnitsigalutillu ataqqinnitsigippat?



Takornariat sumiiffimmi najukkanni qanoq pissusilersornissaannut ersarinnerusunik najoqqutassaqaarnissaa pisariaqartinneqarpa?



OQALOQATIGIINNEQ, PAASISSUTISSIINEQ SUNNIUTEQAQATAANERLU

INNUTTAASUT TAKORNARIAQARNERMIK
INUUSSUTISSARSIUTEQARNERMUT
TAKORNARIAQARNIKKULLU INERIARTORTITSINERMUT
SINAAKKUSIUSSAT PILLUGIT ISIGINNINNERAT,
PAASISSUTISSANILLU PISARIAQARTITSINERAT
ILANNGULLUGU, NALUNAARUSIAP IMMIKKOORTUANI UANI
SAMMINEQARPOQ




TAKORNARIAQARNERMIK SULIAQARFIK NUNATSINNI INUUSUTTUNIT PILERINARTINNEQARNERUVOQ

Takornariaqarnermik inuussutissarsiuteqarnerup iluani suliaqalernissamut periarfissat innuttaasut 47 procentiisa ataatsimut isigalugu pilerinartutut nalilerpaat. Taamatulli naliliisoqarnera ukioqatigiiaat akornanni annertuumik assigiinngiiaarpoq: Inuusunnerit (18-29-nik ukiullit) agguaqatigiissitsinermit pilerinarnerutippaat, taakkunanga 58 procentit uuttuummi 4-mik imaluunnit 5-imik toqqaammata. Tamannalu takornariaqarnermik inuussutissarsiuteqarnerup inuusuttut akornanni soqutiginarutut pilerinartutullu isigineqarneranut tikkuussivoq, inuussutissarsiullu ukioqqortunerusuni suliffigilissallugu pilerinartinneqannginnerulluni, tassani soqutiginninneq annertuumik appasinnerummat.

Ukioqqortussutsikkut assigiinngissuteqarnera inuusuttut suliffeqarnikkut nutaajunerusarnerinut aammalu aasaanerani suliffeqarnissamik piffissallu ilaannaani suliffinnik piumanerusarnerannut ilaatigut attuumassuteqarsinnaavoq, tamannalu takornariaqarnermik inuussutissarsiuteqarnermut ilisarnaataalluni. Tamanna aamma akissuteqartuni amerlanerusut takornariaqarnermik suliaqareersut inuusuttuunerannik tapersernejarpog: 18-29-nik ukiullit sisamararterutaat (25 procentit) takornariaqarnermik suliaqarput, piffissaq tamakkerlugu piffissalluunniit ilaannaani, innuttaasullu tamarmiutillugit isigigaanni tallimanit ataasiusarluni (20 procentit). Ataatsimut isigalugu pilerineqarneranut ukioqqortussutsip apeqqutaanera taamaalilluni inuunermi inissisimaffigisap aamma suliffeqarnermut attuumassuteqarnerup assigiinngissutaannik ersersitsisinnaavoq, takornariaqarnermik inuussutissarsiuteqarnerup inuusunnerusut maannakkorpiag pisariaqartitaannut periarfissaannullu naapertuunnerummat.

Takornariaqarnermik inuussutissarsiuteqarnerup iluani suliaqalernissamut periarfissat qanoq pilerinartitsigivigit?



Maluginiarneqassaaq: 3 procentinit inorlugilluunniit amerlassusillit takussutissiami ilaatinneqanngillat.


N(Innuttaasut tamaasa) = 709; N(18-29-nik ukiullit) = 121; N(30-39-nik ukiullit) = 142; N(40-49-nik ukiullit) = 135; N(50-59-nik ukiullit) = 155; N(60-inik sinnerlugilluunniit ukiullit) = 156.

INNUTTAASUT PINGASUUGAANGATA MARLUK ISUMAQRPUT TAKORNARIAQARNERUP OQALOQATIGIISSUTIGINEQARNERA ANNERTUNERUSARIAQARTOQ

Innuttaasut 28 procentii ataatsimut isigalugu isumaqarput Kalaallit Nunaanni takornariaqarnerup takornariallu sunniuteqarnerat pillugu annertuumik imaluunniit annertuupilussuarmik oqaloqatigiissutigineqartut, 36 procentillu akipput annertunngitsumik. Paarlattuanillu 27 procentit isumaqarput oqaloqatigiissutigineqarnera annikitsuinnaasoq oqaloqatigiissutigineqanngivissortorluunniit, 10 procentillu "Naluara"-mik akipput. Peqatigisaanillu inernerit najukkani oqaloqatigiissutigineqarnerunissaanik kissaateqartoqarneranut tikkuussipput: najukkaminni inuiaqatigiinni takornariaqarnerup oqaloqatigiissutigineqarnerusariaqarneranut tunngatillugu 64 procentit akipput annertuumik imaluunniit annertuupilussuarmik, 20 procentillu akillutik ilaatiguiinnaq. 8 procentiinnaallu isumaqarput annikitsumik imaluunniit naamerluinnaq.

Najukkami takornariat aamma takornariaqarnikkut ineriartortitsineq pillugu paasisutissiisarnermut tunngatillugu 17 procentit akipput annertuumik imaluunniit annertuupilussuarmik paasisutissiisoqartartoq, 34 procentillu akipput ilaatiguiinnaq. 41 procentilli isumaqarput paasisutissat pissarsiarineqarsinnaasut annertunngitsut imaluunniit pissarsiarineqarsinnaanngilluinnartut.

Kalaallit Nunaanni najukkamilu inuiaqatigiinni takornariaqarnerup takornariallu sunniuteqarnerat pillugu oqaloqatigiinneq paasisutissiisarnerlu pillugit innuttaasut isumaat




Maluginiarneqassaaq: 3 procentinik inorlugilluunniit amerlassusillit takussutissiami ilaatinneqanngillat. N = 709.

INNUTTAASORPASSUIT ISUMAQARPUT NAJUKKAMI INUIAQATIGIINNI TAKORNARIAQARNERUP SUNNIUTEQAQATAAFFIGINISSAA KILLEQARTOQ


Misissuinermit innuttaasut 35 procentii ukiut kingulliit marluk iluanni sammisaqartitsinernut ingerlatanulluunniit takornariaqarnermik ineriartortitsinermut immersueqataaffiginnaasaminnut peqataasimaneraput. Kisitsisilli innuttaasut e-Boksikkut peqataanissamut qaaqqunneqartut (20 procentit), aammalu linki tamanut ammasoq atorlugu peqataasut (53 procentit) akornanni assigiingisitaarnermik annertuumik imaqarpoq.

Innuttaasullu misissuinermit peqataasut pingasorarterutaat sinnerlugit ingerlatamut taama ittumut ikinnerpaamik ataasiarlutik peqataasimagaluarlutik sulii misigisimapput sumiiffimmi najukkaminni takornariaqarnerup sunniuteqaqataaffiginissaa killeqartoq. Tassani 37 procentit akipput annertunngitsumik sunniuteqaqataallutik imaluunniit sunniuteqaqataaangivissorlutik, 21 procentillu naliliipput annertuumik imaluunniit annertuupilussuarmik sunniuteqaqataallutik.

Ukiut kingulliit marluk iluanni sammisaqartitsinernut ingerlatanulluunniit takornariaqarnermik ineriartortitsinermut immersueqataaffiginnaasannut peqataavit?



Sumiiffimmi inuiaqatigiinni takornariaqarnermut takornariaqarnikkullu ineriartortitsinermut illit innuttaasutut sunniuteqaqataaannissamut qanoq periarfissaqartigisutut misigisimavit?



PERIAASEQ



AKISSUTIT AMERLANERSAAT 2025-MI

SAP. AK. 48-MI 50-IMILU KATERSORNEQARPUT

PAASSISSUTISSANUT TUNNGAVIUSOQ


Misissuineq Kalaallit Nunaanni innuttaasut inersimasut (18+) takornariaqarneq takornariaqarnikkullu ineriartortitsineq pillugu isumaannik nuna tamakkerlugu misissuinerlut ingerlanneqarpoq tunngavissatut misissuinermit aamma misissuinerlut ukiut tamaasa ingerlanneqartartussanut paassissutissatigut tunngavissamik pilersitsinissaq siunertarlugu. Ukioq misissuiffiusoq siulleq pineqarmat paassissutissanik katersinermut attaveqaatit marluk misilerneqarput: e-Boksikkut peqataaqqusissut aamma linki tamanut ammasoq Visit Greenlandip tusagassiorfinnut nalunaarutaatigut aammalu Facebookikkut Sermitsiakikkullu akilikkamik allagarsiuteqarnikkut peqataanissamut kajumissaarinikkut.

PIFFISSAQ KATERSIFFIUSOQ


Paassissutissat piffissami 26. novembari 2025-mit (sap. ak. 48) 5. januaari 2026-p tungaanut katersorneqarput, apersuinerillu katillugit 709-t ingerlanneqarlutik (496-it e-Boksikkut 213-illu linki tamanut ammasoq atorlugu).

Sapaatit akunneranni 48-mi e-Boksikkut allakkanik qaaqqusissutinik innuttaasunut kalaallinut inersimasunut nalaatsortumik toqqartorneqartunut nassiussuisoqarpoq¹. Qaaqqusanit 496-it misissuinermit peqataapput, tamannalu e-Boksikkut tigulaarinikkut misissuinermit akissuteqartut procentinngorlugit 8,3-nik inerneqarpoq. Linki tamanut ammasoq atorlugu akissutit procentinngorlugit naatsorsorneqarsinnaanngillat peqataasinnaasut amerlassusiat ilisimaneqanngimmat.

e-Boksikkut akissutit piffissap ingerlanerani amerlassusaat



Linki tamanut ammasoq atorlugu akissutit amerlassusaat




¹Innuttaasut nalaatsortumik toqqartorneqarput, nunalli immikkoortuani sorlermi najugaqarnerat tunngavigineqarluni. Qaaqqusissutit nunap immikkoortuinit ataasiakkaanut nassiunneqartut qassiineri aqussinnaajumallugu taamaaliorpoq, nunap immikkoortui tamarmik misissuinermit naammattumik peqataaninneqarnissaat siunertarlugu.

TIGULAARINIKKUT MISISSUINEQ NUNATSINNI INNUTTAASUT ERSERSINNIARLUGIT OQIMAAQATIGIISSAGAAVOQ

Misissuinerup sinniisoqartitsinissaa annertusarumallugu tigulaarinikkut misissuineq tamarmiusoq – e-Boksikkut aamma linki ammasoq atorlugu akissutit – oqimaaqatigiissagaavoq innuttaasunut suaiaassutisimut, ukioqqortussutisimut kommunitimullu najugarisamut tunngatillugu sinniisoqartitsissannngorlugu. Tigulaarinikkut misissuinerup oqimaaqatigiissarneqartup apersoneqartunut tunuliaqutissatut paasissutissanut agguataarsimanerata ilaa takuneqarsinnaavoq.


Kommune/illoqarfik najugaq




Ukiunut agguataarineq




Angerlarsimaffimmi meeqqat ukiui¹




Suaiaassuseq



Oqaatsit toqqakkat



Isertitat agguataarnerat



¹Meeqqat angerlarsimaffimmi najugallit ukiui tigulaarinikkut misissuinerup tamarmiusumi amerlassutit aallaavigalugit naatsorsorneqartut. Ass. "7 inorlugit ukiullit"-mi 19 procentit isumaqarpoq misissuinerup akissuteqartut 19 procentii 7 inorlugit ukiulinnik angerlarsimaffimmi meerartaqartut. Akissuteqartoq ataaseq ukiut agguataarnerini arlalinnik meeraqarsinnaavoq. N = 709.




Visit Greenland

Hans Egedesvej 29

P.O. Box 1615

3900 Nuuk

Kalaallit Nunaat

 (+299) 34 28 20

 info@visitgreenland.com

